

皇
清
經
解

金

清

經

解

皇清經解卷一千一百七十三

學海堂

拜經日記

武進臧明經

庸齋

應侯慎德

侍御史孫詒穀著家語疏證刻既成屬庸以校讐之役因爲補證若干條茲據弟子行引詩應侯慎德案詩毛氏古文作順德

三家詩今文作慎德

據淮南
謬稱訓

易古文費氏作慎德京氏今文作

順德鄭君先通京氏易箋詩引用之易卽京氏本故作順字王弼注亦費氏易當與康成同作慎字釋文大書以順德注云本又作慎師同是他本作慎德陸氏不從而陸氏之師則同作慎德矣朱子本義云王肅順作慎此誤讀釋文也

釋文云以順德如字王肅同是

王肅作順字

據德明師作慎知王弼本作慎據王弼本作慎知鄭本

作慎許叔重傳易孟氏爲古文而虞翻五世傳孟氏易亦作慎
字與費氏古文正合李鼎祚集解載虞注云二之五艮爲慎故
慎德王肅注詩自云述毛其詩必作慎字唐定本作慎德卽爲
王肅所誤也先師好古學故於詩從毛氏作順於易從費氏作
慎王肅好異鄭故鄭詩作順德王肅必改爲慎德鄭易作慎德
王肅必改爲順德旣改詩作慎德恐人以鄭箋本難之因僞撰
於家語託聖人之書以爲證甚矣王肅爲六經之蝨賊先師之
罪人也

申續

七十弟子申續字子周蕭山徐北溟

鯁

曰史記索隱引家語作

繚據字周義疑繚爲得之庸案徐說是也索隱於公伯繚字周

下云家語無公伯繚而有申子周

案當作申繚字周

又於申堂字周下

云家語有申繚字周又史記正義於公伯僚字周下云家語有

申繚子周然則司馬貞張守節所見家語並作申繚蓋家語無

公伯繚及申堂王肅偽造申繚一人以當申堂公伯繚二人

字取申堂下一字取公伯繚

因二人名姓雖異而字周則同為足以相混也

論語音義引家語作申續乃繚字形近之譌因學紀聞卷七載

釋文亦同則宋本已誤王伯厚所見本作續今本作續此又續

字之轉誤堂與棖聲相近故論語作申棖史記作申堂毛詩著

俟我乎堂兮鄭箋云堂當為棖可證論語音義引鄭云蓋孔子

弟子申續此續字乃後人據誤本家語所改

因學紀聞已引作續

當本作

申堂鄭注論語正據仲尼弟子列傳也

鄭注禮記檀弓遇仲尼弟子姓名多據太史公

列傳索隱曰申堂字周論語有申枏鄭元云申枏魯人弟子也蓋

申堂是枏不疑句以枏堂聲相近案小司馬此言正據鄭注論

語以申枏爲申堂故云然也論語集解載馬融注云伯寮魯人

弟子也季長亦據史記列傳庸述鄭注論語知康成往往用其

師說公伯僚之注鄭義雖亡知必與馬同以爲弟子隸續載魯

峻石壁殘畫像以子服景伯亦在七十子之列益可證公伯僚

爲弟子矣王肅好與鄭難因愬子路一事得間遂於家語削去

公伯僚古本家語當有公伯僚其注論語必不以僚爲弟子索隱引譙周

云疑公伯僚是讒愬之人孔子不責而云其如命何非弟子之

流太史公誤此正王肅所得間以難鄭者也

詩婉兮變兮總角𠂔兮毛傳總角聚兩髦也𠂔幼穉也箋云少
自脩飾𠂔然而穉說文萑鴟屬从佳从𠂔有毛角讀若和𠂔羊
角也象形讀若萑苜目不正也从𠂔从目讀若未𠂔祥也从𠂔
象頭角足尾之形五經文字𠂔工瓦反羊角也象形俗呼古患
反作𠂔無中丨𠂔古患反見詩風字林不見又古猛反見周禮
說文以爲古卯字案𠂔卽角象形也故經曰總角𠂔兮張參謂
俗作𠂔無中丨與甫田正合是也萑有毛角故从𠂔𠂔爲羊角
象其形也羊頭从𠂔象其角也無中丨者是有者蓋因𠂔字而
衍今說文石部磳下載𠂔字云古文磳周禮有𠂔人此當是後
人所改疑本作周禮作𠂔古文以爲𠂔字張參所見本尙未誤
故據之說文旣以爲古𠂔字則音古患反是也

汜汜兩義

左傳史漢之汜水音記在成皐如淳劉昭以襄城之南汜當之
張晏又以濟陰之汜水當之陸德明亦出祀凡兩音深滋學者
之惑矣宋王觀國撰學林知汜水當音祀音凡非而不知南汜
本音凡王氏又以中牟之汜澤共縣之汎城相混則理絲而益
之亂矣余弟和貴知其說之有誤家書來楚館請爲考定因作
汜水考一汜城考二汜澤考三汎城考四汜水之陽考五左氏
傳汜祭連文而鄭有兩祭故祭城考第六作竟以詒和貴審此
而地理之學易易矣

汜水

汜水

在成皐

左傳成四年晉以救許伐鄭取汜祭杜注汜祭鄭地

成臯縣東有汜水釋文汜音凡注同或音祀正義曰既爲晉之所取當是鄭之西北界卽今之汜水也字書水旁已爲汜水旁已爲汜字相亂也漢書音義亦爲汜今汜水上源爲汜谷案正義辨證甚是勝於釋文多矣史記秦本紀韓獻成臯鞏正義曰括地志云洛

州汜水縣古之虢國亦鄭之制邑又名虎牢漢之成臯漢書

高帝紀漢果數挑成臯戰楚軍不出使人辱之數日大司馬咎

怒渡兵汜水張晏曰汜水在濟陰界如淳曰汜音凡案舊作祀後人據師

古注改作如氏本音也今改正左傳曰鄙在鄭地汜臣瓚曰高祖攻曹咎於成

臯咎渡汜水而戰今成臯城東汜水是也師古曰瓚說得之此

水不在濟陰也鄙在鄭地汜釋者又云在襄城則非此也此水

舊讀音凡今彼鄉人呼之音祀案舊讀謂如淳張晏等也鄉音自古相沿最真地理

志河南郡有成臯縣 續漢郡國志河南郡成臯縣有汜水劉

昭注左傳曰周襄王處鄭地汜 說文汜水別復入也从水已

聲詩曰江有汜詳里切 爾雅釋水決復入爲汜郭注水出去

復還

案郭景純蓋音已已止也水出復入止也

釋文汜音似

詩召南江有汜毛傳

決復入爲汜

案蓋喻勝亦得歸人也

箋云興者喻江水大汜水小然得並

流似嫡媵宜俱行釋文汜音祀

汜城

汜城

在襄城

左傳僖二十四年王出適鄭處於汜杜注鄭南汜也

在襄城縣南釋文汜音凡後皆同正義曰鄭之西南之竟南近

於楚西近於周故王處於汜及楚伐鄭師于汜皆以爲南汜

成七年秋楚子重伐鄭師于汜注汜鄭地在襄城縣南釋文汜

音凡 襄二十六年涉于汜而歸注於汜城下涉汝水南歸

文汜音凡徐扶嚴反正義曰釋例土地名云楚伐鄭師于汜襄

城縣南汜城是也汝水出南陽魯縣東南經襄城是知於汜城

下涉汝水而南歸也 京相璠曰周襄王居之故曰襄城也今

置關於其下水經注汝水 昭五年鄭伯勞于蕩于汜注汜鄭地

文汜徐扶嚴反 國語十晉語四襄王避昭叔之難居於鄭地

汜韋解汜地名 漢書匈奴列傳襄王出奔于鄭之汜邑蘇林

曰汜音凡今潁川襄城是也師古曰以襄王嘗處之因號襄城

案此注襲京氏春秋土地名 地理志潁川郡有襄城縣 續漢郡國志潁

川郡襄城縣有汜城劉昭注引杜預曰在縣南周襄王所處

說文浮汜也汜濫也从水凡聲孚梵切汎浮貌从水凡聲孚梵

切

汜澤

汜澤

在中

左傳僖三十年晉侯秦伯圍鄭秦軍汜南注此東汜

也在滎陽中牟縣釋文汜音凡正義曰劉炫云二十四年王出

適鄭處于汜注云鄭南汜也釋例土地名僖二十四年汜下云

此南汜也周王出居于汜楚伐鄭師于汜襄城縣南汜城是也

此年汜下云此東汜也秦軍汜南晉伐鄭師于汜滎陽中牟縣

南汜澤是也杜考校既精當不徒爾尋討傳文未見杜意 襄

九年諸侯伐鄭甲戌師于汜注衆軍還聚汜汜鄭地東汜釋文

汜音汎 爾雅釋地鄭有圃田郭注今滎陽中牟縣西圃田澤

是也 詩車攻東有圃草箋云圃草者圃田之草也鄭有圃田

周禮職方氏河南曰豫州其澤藪曰圃田注云圃田在中牟

左傳僖三十三年鄭之有原圃猶秦之有具囿也吾子取其

麋鹿以閒敝邑若何注滎陽中牟縣西有圃田澤漢書地理

志河南郡中牟圃田澤在西豫州藪臣瓚案河南中牟春秋之

時在鄭之疆內

春秋正義哀九年
史記集解趙世家

續漢書郡國志中牟縣有

圃田澤案杜元凱以鄭有南汜東汜劉元卿云尋討傳文未

見今考杜注東汜及圃田皆云在滎陽中牟縣兩漢志中牟皆

有圃田澤而無汜澤疑汜澤卽圃田澤甫已一聲之轉耳毛詩

車攻傳云圃大也汜亦廣博汎大之意傳曰原圃原亦大也識

此以俟考

汎城

汎城

在共縣

春秋經隱七年冬天王使凡伯來聘注凡伯周卿士

凡國伯爵也汲郡共縣東南有汎城

案舊作凡城今據釋文改正

釋文汎城

音凡

左傳昭二十二年王師軍于汎于解次于任人注王師

分在三邑洛陽西南有大解小解釋文汎音凡

漢書地理志

河內郡有共縣

續漢郡國志河內郡共縣有汎亭劉昭注凡

伯邑

案杜注未言汎為何邑今考河內周地凡伯周卿士食

采汎城此汎蓋即汎非鄭邑也汎汎音義竝同見說文

汎水之陽

汎水之陽

在濟陰

史記高祖本紀五年還至定陶乃即皇帝位汎

水之陽正義曰汎音敷劒反括地志云高祖即位壇在曹州濟

陰縣界

漢書高帝本紀漢王即皇帝位於汎水之陽張晏曰

在濟陰界取其汜愛宏大而潤下也師古曰據叔孫通傳曰爲
皇帝於定陶則此水在濟陰是也音敷劒反地理志濟陰郡
定陶故曹國周武王弟叔振鐸所封禹貢陶邱在西南陶邱亭
續漢書郡國志濟陰郡定陶本曹國古陶堯所居

祭城

祭城

一在河南滎陽
一在陳留長垣

春秋經隱元年祭伯來注祭伯爲王卿士

者祭國伯爵也

左傳僖二十四年凡蔣邢茅胙祭周公之胙

也正義曰凡祭闕

釋例云祭城在河南上有敖倉周公後所

封也

史記正義
周本紀

成四年晉伐鄭取汜祭注汜祭鄭地成皋縣

東有汜水

國語周語祭公謀父韋昭注祭畿內之國周公之

後爲王卿士謀父字也傳曰凡蔣邢茅胙祭周公之胙也史

記高祖本紀漢王軍滎陽南築甬道屬之河以取敖倉正義曰
括地志云敖倉在鄭州滎陽縣西一十五里今鄭州東北一十
五里有祭城又引太康地理記曰秦建敖倉於成皋 漢書高
帝本紀漢與楚戰滎陽南京索閒破之築甬道漢河以取敖倉
粟應劭曰京縣名今有大索小索亭孟康曰敖地名在滎陽西
北山上臨河有大倉 地理志河南郡有滎陽有成皋故虎牢
或曰制 續漢書郡國志河南尹滎陽有敖亭劉昭注周宣王
狩於敖左傳宣十二年晉師在敖鏑之間秦立爲敖倉 詩車
攻搏獸于敖傳敖地名箋云敖鄭地今近滎陽以上爲河南之祭城左傳
桓十一年祭封人仲足注祭鄭地陳留長垣縣東北有祭城封
人守封疆者因以所守爲氏 漢書地理志陳留郡有長垣縣

續漢書郡國志陳留郡長垣有祭城劉昭注杜預曰鄭祭封

人仲邑

案杜注成四年傳祇云祭鄭地而不詳何邑釋例云

祭城在河南上有敖倉括地志云敖倉在鄭州滎陽縣西今東北有祭城則祭城在滎陽矣左氏傳汜祭連文邑當接壤班志滎陽成皋竝隸河南太康地志以敖倉在成皋蓋漢晉建置微異也鄭康成云敖近滎陽孟公休云敖在滎陽司馬紹統云滎陽有敖亭與釋例所謂祭城上有敖倉可互相證此爲周公盾之本國陳留之祭則鄭之邊邑也

以上爲陳留長垣之祭城

王度記

王度記大戴禮篇名也

本孔沖遠說

以其不列學官故梁劉昭稱此

篇爲逸禮劉向別錄云王度記似齊宣王時淳于髡等所說也